

BAHAGIAN DUA:

Sesi Penyampaian Secara Bersemuka

Pautan Segera

3. Sesi Pengenalan

[3.1. Gambaran Keseluruhan Sesi Ini](#)

[3.2. Sebelum anda mulakan](#)

[3.3. Menyampaikan Sesi](#)

4. Renungan dan Sambutan Ibu Bapa

[4.1. Gambaran Keseluruhan Sesi Ini](#)

[4.2. Sebelum anda mulakan](#)

[4.3. Menyampaikan Sesi](#)



3| Sesi Pengenalan

3.1. Gambaran Keseluruhan

Sesi Pengenalan – Gambaran Keseluruhan	
Matlamat	<ul style="list-style-type: none">• Peserta mempunyai kemahiran asas penggunaan telefon untuk mengakses semua kandungan ParentText yang berkaitan• Ibu bapa/penjaga belajar kemahiran cara untuk berinteraksi dengan anak-anak mereka semasa aktiviti bersama untuk mengembangkan hubungan/rasa kasih sayang antara mereka dan anak-anak
Bahan	<ul style="list-style-type: none">• Pelekat sementara, pen, kertas, carta selak, jamuan ringan (sekiranya berkenaan)• Telefon• Sambungan Wi-Fi
Persediaan	<ul style="list-style-type: none">• Sediakan bilik dengan kerusi dalam bulatan.• Sediakan bahan dan minuman semasa rehat (jika berkaitan)

Agenda Sesi		
Pendaftaran Pra-Sesi	<ul style="list-style-type: none"> Mengumpulkan nama dan nombor telefon Jamuan ringan 	30 min
Aluan	<ul style="list-style-type: none"> Aluan Permainan Nama Gambaran keseluruhan program Naungan Kasih (termasuk ParentText) 	10 min
Memulakan ParentText	<ul style="list-style-type: none"> Penerokaan fungsi asas telefon untuk berinteraksi dengan Chatbot ParentText Melengkapkan Pengenalan, Aluan (<i>Welcome Flow</i>) dan Meluangkan masa bersama seorang dengan seorang di dalam ParentText bersama-sama. Menyelesaikan cabaran dalam ParentText 	40 min
Rehat		5 min
Meluangkan Masa Bersama Seorang Dengan Seorang dengan Anak Anda	<ul style="list-style-type: none"> Komik ParentText Perbincangan: Masa Seorang Dengan Seorang bersama Anak Anda Perbincangan Berpasangan: Aktiviti untuk dilakukan bersama Anak anda Berlatih menggunakan kemahiran Tip bagi Meluangkan Masa Bersama Seorang Dengan Seorang dengan anak anda 	45 min
Penutup	<ul style="list-style-type: none"> Refleksi Mengenal pasti Matlamat Seterusnya dalam ParentText Aktiviti Salam Perpisahan 	10 min

3.2. Sebelum anda mulakan

Matlamat Sesi Pengenalan

Sesi Pengenalan menetapkan nada program Naungan Kasih secara keseluruhannya. Kewujudan ruang yang mesra dan selamat untuk para peserta adalah penting supaya mereka berasa selesa dan dapat membiasakan diri mereka untuk menggunakan Chatbot ParentText.

Mulakan dengan aluan dan ucapan terima kasih kepada keluarga atas penyertaan dan komitmen mereka untuk memperbaiki hubungan dan menyokong antara satu sama lain. Kemudian, program Naungan Kasih diperkenalkan supaya mereka tahu apa yang boleh dijangkakan.

Peserta dibenarkan untuk mengekspresikan sebab dan matlamat mereka menyertai program ini. Hal ini memberikan rasa pemilikan kepada para peserta dan membantu kami untuk mengetahui dengan lebih banyak tentang setiap ibu bapa.

Semasa sesi pengenalan, anda akan menyelesaikan 5 perkara:

1. Memperkenalkan ParentText kepada keluarga
2. Pastikan peserta memahami cara untuk menggunakan telefon mereka bagi aktiviti yang berkaitan dengan ParentText, dengan membimbing mereka melalui Aluan (Welcome Flow) dalam ParentText
3. Peserta boleh membuat latihan cara untuk meluangkan masa bersama anak mereka dalam bentuk lakonan
4. Berikan aktiviti di rumah untuk ibu bapa lakukan selepas sesi ini

Ingatlah bahawa ibu bapa ialah pakar dan anda pembimbingnya!



Cara menggunakan telefon dalam Naungan Kasih

Adalah penting bagi para peserta untuk mengetahui cara menggunakan telefon mereka bagi melakukan perkara berikut supaya peserta dan keluarga mereka mendapat manfaat daripada kandungan yang disampaikan oleh Chatbot ParentText:

1. Mengakses semua kandungan ParentText yang berkaitan dan

Anda akan meneroka beberapa fungsi asas telefon dan melakukan beberapa aktiviti ParentText yang pertama untuk memastikan semua orang dapat sama-sama ikuti semasa sesi pengenalan. Rakan mereka yang lain dapat membantu jika ada ibu bapa yang mengalami kesulitan dengan penggunaan telefon!

Apakah Masa Bersama Seorang dengan Seorang?

Kemahiran keibubapaan yang dipanggil "Masa Bersama Seorang dengan Seorang" diperkenalkan kepada ibu bapa semasa sesi pengenalan. Masa Bersama Seorang dengan Seorang bermakna ibu bapa meluangkan masa yang berkualiti dengan anak mereka untuk membina rasa keselamatan dan jalinkan ikatan yang kukuh, yang akan membawa kepada hubungan ibu bapa-anak yang positif. Masa Bersama Seorang dengan Seorang antara ibu bapa dan anak merupakan saat penting bagi kanak-kanak, terutamanya apabila ibu bapa membenarkan anak-anak untuk meneroka dunia melalui aktiviti bermain kali ini.

Masa Bersama Seorang dengan Seorang menunjukkan kanak-kanak bahawa ibu bapa memberi perhatian kepada mereka dan berminat untuk mengetahui apa yang mereka lakukan.

Masa Bersama Seorang dengan Seorang **BUKAN** tentang memantau tingkah laku anak untuk memastikan mereka berkelakuan dengan baik, ini adalah kemahiran penting lain yang akan dipelajari oleh ibu bapa dalam program.

Mengapakah Masa Bersama Seorang dengan Seorang itu penting?

Hubungan positif antara ibu bapa dan anak-anak dapat dibina melalui Masa Bersama Seorang dengan Seorang. Ramai ibu bapa dengan anak-anak yang berkelakuan negatif tidak mendapat banyak keseronokan daripada hubungan mereka dengan anak-anak. Ibu bapa dengan anak yang sukar dikawal meluangkan banyak masa untuk menghentikan mereka daripada berkelakuan negatif.

Ibu bapa sering menghela nafas lega dan tinggalkan mereka seorang diri apabila anak-anak sedang bermain atau melakukan aktiviti mereka secara tenang. Tetapi ini hanya berlaku apabila kita memberi perhatian kepada anak dan memerhatikan apa

yang mereka sedang lakukan. Ibu bapa berpeluang untuk mempelajari minat dan kemampuan anak mereka jika meluangkan masa yang berkualiti dengan mereka.

Masa bersama seorang dengan seorang membantu anak-anak merasakan bahawa ibu bapa menghargai mereka sebagai individu, menghargai perkara yang mereka lakukan, dan tidak hanya bimbang supaya mereka patuh pada arahan. Sebagai hasilnya, Masa Bersama Seorang dengan Seorang juga dapat membina harga diri kanak-kanak dan merasakan diri mereka penting.

Ia dapat membantu meningkatkan kreativiti mereka dan memahami dunia apabila mereka hanyut ketika bermain. Membantu anak anda membina kemahiran bahasa dan pemerhatian mereka dengan menggunakan perkataan untuk menerangkan apa yang sedang mereka lakukan.

Maklumat penting Semasa Masa Bersama Seorang dengan Seorang

A. Dengar Anak Anda

Ia menjadikan anda berasa lebih baik apabila seseorang benar-benar mendengar anda dan memerhatikan apa yang anda lakukan kerana anda berasa dihargai.

Fikirkan mereka yang menyayangi diri anda. Anda mengetahuinya kerana mereka menunjukkan minat terhadap anda dan memberitahu bahawa pandangan anda sangat penting bagi mereka.

Ibu bapa perlu pastikan mereka berada pada paras yang sama dan memandang mereka ketika bercakap dan mendengar anak mereka.

Ini sangat penting bagi semua anak-anak terutama mereka yang menggunakan kerusi roda untuk menunjukkan bahawa ibu bapa mengambil peduli dan ingin mendengar anak mereka.

Ini berlaku secara semula jadi apabila hubungan antara ibu bapa dan anak berjalan dengan baik. Kanak-kanak menyedari akan perhatian ibu bapa mereka dan sebagai gantinya, mereka bertindak balas dengan lebih positif.

B. Biarkan Anak Anda Memimpin

Membenarkan Anak Anda Memimpin bermakna ibu bapa perlu membenarkan anak mereka memimpin aktiviti yang dilakukan sewaktu Masa Bersama Seorang dengan Seorang.

Dengan hanya berkata seperti ini, "saya mempunyai 5 hingga 15 minit untuk meluangkan Masa Bersama Seorang dengan Seorang bersama kamu, apa yang kamu ingin lakukan?", ibu bapa dapat menerapkan nilai kepimpinan dalam diri anak mereka.

Biarkan Anak Anda Memimpin:

- Membina keyakinan dan harga diri kanak-kanak. Ia juga menunjukkan bahawa cadangan mereka sangat penting bagi ibu bapa mereka.
- Berikan mereka peluang untuk membuat pilihan mereka sendiri dan membantu mereka membina autonomi. Ramai kanak-kanak menghabiskan hidup mereka dengan mengikut arahan apa yang boleh dan tidak boleh dilakukan.
- Ia juga membenarkan ibu bapa untuk melepaskan beban daripada berfikir tentang aktiviti yang ingin dilakukan bersama anak mereka. Sesetengah ibu bapa dan penjaga kadangkala mati akal atau buntu untuk mengetahui cara bermain atau meluangkan masa bersama anak mereka.
- Berikan mereka peluang untuk melihat apa yang anak mereka ingin lakukan dan mengikut sahaja aktiviti mereka dengan berkata, "Ya, mari kita lakukan!" – sudah tentu dengan had tertentu!
- Adalah penting untuk mengingatkan ibu bapa bahawa mereka masih dapat mengawal waktu bermula dan berakhirnya Masa Bersama Seorang dengan Seorang. Sewaktu Masa Bersama Seorang dengan Seorang, mereka juga dapat menetapkan had seberapa banyak aktiviti yang boleh dipilih oleh kanak-kanak.
- Ini adalah penting untuk ditekankan terutamanya dalam budaya di mana kuasa seorang ibu bapa perlu dihormati oleh anak-anak mereka.

- Anda boleh meyakinkan ibu bapa bahawa mereka masih ada kuasa untuk membenarkan anak mereka memimpin jika berasa tidak selesa tentang Membenarkan Anak Anda Memimpin.
- Ramai kanak-kanak tidak pernah diberi peluang untuk memilih aktiviti atau memimpin aktiviti. Mungkin mereka akan berasa pelik pada awalnya!
- Ibu bapa atau penjaga boleh membantu anak-anak mereka dengan mencadangkan beberapa aktiviti yang selamat dan sesuai untuk perkembangan yang boleh dipilih oleh anak-anak.

- Adalah penting jika aktiviti tersebut merupakan aktiviti yang disukai oleh anak. Anda akan membantu ibu bapa berfikir tentang aktiviti yang sesuai untuk dilakukan oleh anak mereka sepanjang sesi ini.



Sorotan Keupayaan

- Kekalkan nada dan bahasa yang sama seperti bercakap dengan kanak-kanak sebaya apabila bercakap dengan anak kurang upaya kerana mereka juga adalah kanak-kanak. Jika mereka tidak dapat mendengar, adalah penting untuk anda duduk tidak bergerak, termasuk kepala anda ketika bercakap dengan kanak-kanak tersebut. Pastikan anda memandang mereka ketika bercakap, dan pastikan mereka boleh melihat wajah dan mulut anda. Gunakan ayat yang ringkas dan bercakap dengan jelas jika berinteraksi bersama anak yang mempunyai ketidakupayaan intelektual. Panggil nama mereka supaya mereka tahu bahawa anda sedang bercakap dengan mereka.
- Supaya mereka dapat memahami keberkesanan dan kepentingan komunikasi, adalah penting untuk bertindak balas semasa kanak-kanak cuba untuk berkomunikasi. Jika kanak-kanak menunjukkan ke arah objek yang diminati, anda boleh tunjukkan ke arahnya dan namakan objek tersebut dengan jelas supaya mereka mengetahui bahawa anda faham dan sedang mendengar.
- Kanak-kanak kelainan upaya dan tidak biasa memberi pendapat mereka atau didengari akan memerlukan lebih banyak masa untuk membina keyakinan dan kepercayaan.
- Ia mungkin mengambil sedikit masa untuk meneroka cara terbaik semasa berkomunikasi dengan kanak-kanak tertentu. Ketika meluangkan Masa Bersama Seorang dengan Seorang bersama anak mereka, ibu bapa perlu meningkatkan tahap kesabaran mereka dengan diri sendiri dan anak mereka.

diterima dan yakin sewaktu Masa Bersama Seorang dengan Seorang begitu juga pada waktu lain:

- Sentiasa bertanya kepada anak kelainan upaya tersebut tentang cara terbaik untuk memenuhi keperluan mereka: pertimbangkan kanak-kanak tersebut sebagai pakar terbaik yang mengetahui ketidakupayaan mereka.
- Sering bertanya jika dan bagaimana kehendak atau keperluan seorang kanak-kanak dapat dibantu. Jika tawaran anda tidak diterima, hormati kemahuan kanak-kanak tersebut.
- Demi membantu mereka mendapatkan keyakinan, benarkan kanak-kanak kelainan upaya untuk mengambil risiko yang sama dengan kanak-kanak yang lain. Melindungi secara berlebihan tidak memberi mereka peluang untuk meneroka, mengambil tahu apa yang mungkin berlaku dan mengetahui cara mengekalkan keselamatan mereka.
- Hanya bantu kanak-kanak kelainan upaya jika mereka memerlukan. Terlalu banyak sokongan menjadikan mereka tidak mampu berdikari dan rasa direndah-rendahkan.
- Bersikap terbuka dan mudah menyesuaikan diri untuk membantu kanak-kanak melibatkan diri.
- Tumpukan perhatian kepada mengasah kekuatan dan kebolehan setiap kanak-kanak berbanding perkara yang mereka tidak boleh lakukan, sebagai contoh, seorang pengguna kerusi roda mungkin mempunyai lengan dan tangan yang kuat, seorang kanak-kanak pekak mungkin hebat dalam melukis.
- Membina kekuatan kanak-kanak dengan memuji anak-anak yang berkata, "saya tidak faham" atau minta bantuan atau berterima kasih kepada mereka kerana bertanya kemudian tawarkan bantuan ataupun beri penjelasan.

- Berikan tempoh masa yang mencukupi untuk kanak-kanak supaya mereka dapat menghadam apa yang telah diperkatakan serta merangka tindak balas mereka.
- Supaya kanak-kanak dapat mempelajari apa yang mereka lihat dan dengar, anda boleh menunjukkan teladan komunikasi yang baik



Nota

Membenarkan anak anda memimpin tidak semestinya mereka boleh lakukan apa sahaja yang mereka suka!

Sila semak semula Panduan yang diterangkan dalam manual ini untuk bimbingan lanjut tentang Masa Bersama Seorang dengan Seorang

Pemberi tenaga - *Energisers*

Anda boleh memimpin aktiviti yang bertenaga bersama ibu bapa jika kumpulan menjadi kurang bersemangat. Ini dapat menjadikan para peserta kekal aktif dan peka untuk bahagian program yang seterusnya.

Anda boleh menggunakan sebarang pemberi tenaga yang disarankan dalam FaciNK atau meminta saranan dalam kumpulan.

3.3. Menyampaikan Sesi

Agenda Sesi		
Pendaftaran Pra Sesi	<ul style="list-style-type: none"> Mengumpulkan nama dan nombor telefon Jamuan ringan 	30 min
Aluan	<ul style="list-style-type: none"> Aluan Permainan Nama Gambaran keseluruhan program Naungan Kasih (termasuk ParentText) 	10 min
Memulakan ParentText	<ul style="list-style-type: none"> Penerokaan fungsi asas telefon untuk berinteraksi dengan Chatbot ParentText Melengkapkan Pengenalan, Aluan (<i>Welcome Flow</i>) dan Luangkan masa bersama seorang dengan seorang di dalam ParentText bersama-sama. Menyelesaikan cabaran bersama dalam ParentText 	40 min
Rehat		5 min
Meluangkan Masa Bersama Seorang Dengan Seorang dengan Anak Anda	<ul style="list-style-type: none"> Komik ParentText Perbincangan: Masa Seorang Dengan Seorang bersama Anak Anda Perbincangan Berpasangan: Aktiviti untuk dilakukan bersama Anak anda Berlatih menggunakan kemahiran Tip bagi Meluangkan Masa Bersama Seorang Dengan Seorang dengan anak anda 	45 min
Penutup	<ul style="list-style-type: none"> Refleksi Mengenal pasti Matlamat Seterusnya dalam ParentText Aktiviti Salam Perpisahan 	10 min



Selamat datang

Mengalu-alukan para ibu bapa dengan mesra dan bersemangat apabila mereka tiba di sesi itu. Puji mereka kerana menghadiri program ini!

Anda boleh mengalu-alukan kumpulan kepada sesi pengenalan ParentText secara rasmi jika semua peserta sudah tiba. [\(Slaid 2\)](#)

Permainan Nama (5 min)



Gambaran keseluruhan

Permainan ini membantu para peserta mengenali antara satu sama lain.



Arahan [\(Slaid 3\)](#)

- Peserta berdiri dalam bulatan.
- Mulakan dengan seorang peserta menyebut namanya dan membuat satu bentuk/gerakan badan.
- Kesemua peserta dalam bulatan kemudian mengulangi nama orang itu dan membuat bentuk yang sama.
- Orang yang duduk di sebelahnya menyebut namanya dan membuat satu bentuk.
- Ulangi untuk setiap orang dalam bulatan!

Memperkenalkan Program Naungan Kasih (5 min)



Gambaran keseluruhan

Gambaran keseluruhan program Naungan Kasih bersama ParentText disediakan melalui aktiviti ini. Ia seperti memberi peta perjalanan kepada keluarga yang melancong bersama-sama untuk beberapa minggu akan datang



Arahan ([Slaid 4-6](#))

Tujuan dan Manfaat Program Naungan Kasih

Kongsikan tujuan dan manfaat kepada ibu bapa jika menjadi sebahagian daripada Program Naungan Kasih.

Program Naungan Kasih adalah untuk ibu bapa yang mempunyai anak berumur antara 4 hingga 5 tahun yang menghadiri prasekolah KEMAS.

Sekarang, apabila kita sebut 'ibu bapa' dan 'keibubapaan', kita maksudkan seseorang yang menjaga anak-anak, sama ada orang itu adalah ibu bapa kandung mereka ataupun tidak. Ini termasuk mana-mana orang yang merupakan penjaga utama yang bertanggungjawab untuk kesejahteraan kanak-kanak itu.

Matlamat Naungan Kasih adalah untuk membantu membina hubungan terbuka, penyayang dan saling percaya antara penjaga dan anak mereka. Apabila kita mempunyai hubungan yang sihat dan positif, ianya membantu ibu bapa untuk memastikan anak-anak mereka selamat dan menyokong pertumbuhan dan perkembangan mereka.

Keibubapaan yang positif juga membantu ibu bapa mengajar anak-anak mereka tingkah laku yang bertanggungjawab, tingkah laku hormat-menghormati dan menyemai nilai keibubapaan.

Komponen utama Program Naungan Kasih

Jelaskan bahawa peserta akan menerima kandungan dan sokongan Naungan Kasih Hibrid dalam dua cara utama:



1. Chatbot ParentText

Ibu bapa menerima tip keibubapaan setiap hari melalui WhatsApp untuk membantu mereka dan hubungan mereka dengan anak dan keluarga mereka (hanya memerlukan 5 minit setiap hari). Ibu bapa boleh mencapai matlamat Naungan Kasih dalam sebarang urutan yang mereka kehendaki:

- Perbaiki Hubungan Saya dengan Anak Saya

- Persiapkan diri Anak Saya untuk Menempa Kejayaan di Sekolah
- Memahami Perkembangan Anak
- Memberikan Persekitaran yang Seimbang kepada Anak Saya
- Menyokong Tingkah Laku Positif Anak Saya
- Pastikan Anak Saya Selamat dan Sihat



2. Sesi Bersemuka

Ibu bapa akan mengambil bahagian dalam dua sesi bersemuka: satu yang sedang mereka hadiri dan satu lagi pada akhir program. Sesi ini bertujuan untuk mengalunkan ibu bapa ke dalam program Naungan Kasih, memberikan sokongan untuk proses penyertaan mereka, dan memberi peluang untuk refleksi dan meraikan selepas menamatkan program.

Apabila anda melengkapkan aktiviti ParentText yang pertama bersama-sama, para peserta akan mengetahui bagaimana Chatbot ParentText ini berfungsi dalam sesi pengenalan sebentar lagi.



Memulakan ParentText

Aktiviti ini dapat membantu para peserta memahami asas-asas tentang cara menggunakan telefon bimbit (jika mereka tidak dapat melakukannya). Dengan menggunakan telefon masing-masing ketika sesi, mereka juga akan mulakan interaksi mereka bersama Chatbot ParentText untuk melengkapkan aktiviti ParentText yang pertama. Ini akan memberi mereka peluang untuk berkongsi pengalaman pertama mereka dan menyelesaikan sebarang masalah yang dihadapi.



Pengenalan kepada Penggunaan Telefon (5 min)



Gambaran Keseluruhan

Beberapa peserta mungkin lebih arif tentang penggunaan telefon mereka berbanding orang lain. Cuba untuk mengenal pasti jarak dan sediakan sokongan tertentu seperti yang diperlukan. Ini akan membenarkan lebih ramai ibu bapa untuk mengakses kandungan ParentText



Arahan ([Slaid 7](#))

Untuk menjadikan aktiviti ini interaktif, minta peserta menunjukkan perkara berikut kepada kumpulan (dan betulkan/beri panduan mengikut keperluan):

1. Menghidupkan dan mematikan telefon

Tunjukkan kepada peserta:

- Bagaimana untuk menghidupkan dan mematikan telefon. Tunjukkan dengan jelas tiga butang di sisi (hidup/mati, kelantangan naik/turun).
- Di mana dan bagaimana untuk memasukkan kad sim dan memastikan ia berfungsi dengan baik sebaik sahaja telefon dihidupkan.

Terangkan tentang PIN kad sim dan bagaimana kad sim anda boleh disekat jika PIN tidak dimasukkan dengan betul.

2. Menavigasi melalui tetapan telefon

Tunjukkan kepada peserta:

- Bagaimana untuk meningkatkan dan mengurangkan kecerahan telefon.
- Cara *install* dan *delete* aplikasi.
- Cara mengambil dan berkongsi tangkapan skrin (*Screenshot*) (ini adalah penting apabila mereka mengalami masalah teknikal).

3. Menavigasi melalui tetapan WhatsApp

Ingatkan peserta bahawa mereka akan menerima kandungan ParentText mereka melalui WhatsApp.

Tunjukkan kepada peserta:

- Bagaimana untuk mencari dan membuka WhatsApp.
- Cara membalas mesej/prompt daripada ParentText (untuk menerima kandungan seterusnya).
- Bagaimana untuk membuka imej.
- Bagaimana untuk membuka fail audio/video.

4. Mengecas telefon

Tunjukkan cara memasukkan pengecas telefon dengan betul untuk mengelakkan sistem pengecasan rosak.

Tekankan kepentingan untuk memutuskan sambungan telefon daripada pengecas sebaik sahaja ia dicas sepenuhnya untuk mengelakkan pengecasan berlebihan.

Gunakan pengecas telefon asal untuk mengecas telefon.

5. Menghidupkan dan mematikan data internet

Tunjukkan kepada peserta cara menghidupkan dan mematikan data. Tunjukkan perubahan dalam bar status apabila data dihidupkan atau dimatikan (H+/3G/4G pada bar rangkaian).

Tegaskan bahawa data tidak boleh dibiarkan tanpa henti, untuk meminimumkan penggunaan data dan mengoptimumkan penggunaan bateri.

Tunjukkan peserta cara menyemak baki data dan/atau penggunaan data.

6. Menguruskan storan telefon dalaman

Pastikan peserta memahami bahawa aplikasi, video, muzik dan imej semuanya menggunakan storan pada telefon dan telefon mereka tidak akan berfungsi dengan baik apabila storan terlalu penuh.

Tunjukkan peserta cara mengosongkan ruang storan jika diperlukan dengan:

- Memadam fail seperti video, audio, imej, dsb.
- Delete aplikasi

7. Kesedaran digital: Keselamatan Internet

Bincangkan risiko mengklik pada pautan data dan pautan internet yang mencurigakan.

Pastikan peserta memahami bahawa maklumat peribadi khusus tidak boleh dikongsi dengan orang atau sumber yang tidak dikenali, contohnya:

- Kata laluan
- Maklumat akaun bank
- Lokasi
- Imej/video peribadi atau sensitif

8. Cara mengelakkan kerosakan telefon anda

Tunjukkan peserta cara mengakses kata laluan/kunci corak untuk melindungi telefon mereka daripada pengguna lain yang tidak dibenarkan.

Bincangkan cara-cara pengendalian telefon secara berhati-hati, contohnya:

- Menjauhkan telefon daripada anak-anak mereka
- Menjauhkan telefon daripada cahaya matahari secara langsung
- Menjauhkan telefon daripada stesen kerja yang boleh menyebabkan kerosakan pada telefon contohnya, air, kebakaran dsb.



Memulakan ParentText

Gambaran Keseluruhan

Peserta kini akan melakukan interaksi pertama mereka dengan Chatbot ParentText pada telefon mereka

Arahan [\(Slaid 8-9\)](#)

Terangkan secara ringkas langkah-langkah berikut dan balas sebarang soalan atau masalah yang timbul. Pastikan semua orang telah menyelesaikan langkah sebelumnya sebelum beralih ke langkah seterusnya.

1. Mulakan sembang WhatsApp dengan ParentText

Berikan peserta arahan yang berikut:

- Buka telefon anda
- Simpan nombor telefon ParentText (+6-012-292-7434) sebagai kenalan
- Buka WhatsApp, cari 'ParentText' dan mulakan sembang dengan menaip
MULA

2. Tetapan

Beritahu peserta untuk ikuti *prompt* ParentText. ParentText akan meminta mereka untuk:

- Pilih bahasa
- Pilih cara mereka mahu menerima mesej:
 - Teks, imej, dan video
 - Teks, imej, dan audio
 - Teks dan imej sahaja

3. Video pengenalan

Minta peserta menonton video pengenalan 5 minit yang menerangkan cara ParentText berfungsi.

Tanya peserta jika mereka mempunyai sebarang soalan.

4. Maklumat pengguna

Beritahu peserta untuk ikuti *prompt* ParentText. ParentText akan meminta mereka untuk:

- Jawab soalan ringkas tentang diri anda dan keluarga anda supaya ParentText boleh menghantar kandungan yang disesuaikan (nama anak, umur, jantina dan status perhubungan penjaga)

5. Berhenti seketika

Berhenti seketika ialah latihan menenangkan diri singkat yang boleh digunakan oleh peserta apabila mereka berasa tertekan atau marah. Ini adalah alat keibubapaan dan kemahiran hidup yang hebat.

Beritahu peserta untuk ikuti *prompt* ParentText. ParentText akan meminta mereka untuk:

- Lakukan latihan Berhenti Seketika.

6. Pilih matlamat pertama dan lalui kemahiran pertama

Peserta kini bersedia untuk memulakan Matlamat pertama mereka dalam ParentText.

Beritahu peserta untuk ikuti *prompt* ParentText. ParentText akan meminta mereka untuk:

- Mulakan Matlamat 1 (“Perbaiki Hubungan Saya dengan Anak Saya”).

Untuk sesi pengenalan, semua peserta akan mengusahakan Matlamat 1 supaya mereka boleh berkongsi pengalaman dan soalan mereka. Selepas melengkapkan matlamat pertama ini, ibu bapa boleh melengkapkan sebarang matlamat yang mereka suka.

Jika peserta telah memilih Matlamat yang berbeza, beritahu mereka untuk menaip MENU dan bimbing mereka tentang cara mereka boleh menukar matlamat mereka: MENU > Jejak kemajuan saya > Lihat Matlamat untuk Mula > Mulakan matlamat baharu dan biarkan matlamat semasa saya tidak lengkap.

- Lengkapkan Kemahiran 5 minit pertama (“Meluangkan Masa Bersama Seorang Dengan Seorang dengan Anak Saya”) dalam Matlamat ini.

Beritahu peserta bahawa ParentText akan mengingatkan mereka untuk melakukan Kemahiran seterusnya esok (dan setiap hari selepas itu sehingga mereka menyelesaikan program).

Tanya peserta jika mereka mempunyai sebarang soalan selepas melengkapkan Matlamat 1. Anda boleh menggesa mereka dengan bertanya perkara berikut:

- Bagaimanakah pengalaman anda berinteraksi dengan ParentText?
- Adakah anda mempunyai sebarang soalan tentang cara berinteraksi dengan ParentText?
- Anda ada apa-apa kebimbangan tentang cara anda berinteraksi dengan ParentText semasa anda di rumah?

Berikan pujian kepada peserta kerana telah menyelesaikan aktiviti ParentText pertama mereka!



Nota

Jika ada pertanyaan lanjut berkenaan Masa Bersama Seorang dengan Seorang, maklumkan kepada ibu bapa bahawa aktiviti seterusnya akan meneroka tdengan lebih mendalam.



Menyelesaikan cabaran bersama ParentText (5 min)



Gambaran keseluruhan

Ketika berinteraksi dengan Chatbot ParentText, para peserta mungkin menghadapi sedikit kesukaran.



Arahan

Minta para peserta untuk menunjukkan cara menyelesaikan cabaran berikut kepada satu sama lain:

- Saya tersekat dalam ParentText atau butang 'Next' tidak muncul.
→ Untuk menavigasi ke aktiviti anda yang seterusnya, taip NEXT atau MENU.
- Saya tidak tahu cara mengakses Menu utama atau apa sebenarnya Menu itu.
→ Taip MENU pada bila-bila masa untuk:
 - Jejak kemajuan anda (dan ubah Matlamat yang anda sedang laksanakan)
 - Kongsi ParentText bersama rakan
 - Tukar tetapan (bagaimana/bila anda menerima mesej, kemas kini butiran anda untuk kandungan yang disesuaikan)
 - Untuk membina perhubungan erat dengan anak anda, cari aktiviti baharu yang boleh dilakukan oleh anak anda bersama ibu bapa
 - Tonton semula video pengenalan dan dapatkan petua untuk menavigasi ParentText
 - Dapatkan bantuan untuk menavigasi cabaran tertentu semasa menggunakan kemahiran baharu
- Berlaku kecemasan dan saya memerlukan bantuan segera.
→ Taip HELP pada bila-bila masa untuk mengakses sumber dan maklumat hubungan komuniti anda jika anda memerlukan bantuan berkenaan keganasan rumah tangga, gangguan seksual, kesihatan mental atau kecemasan lain.
- Tanya ibu bapa sekiranya mereka mempunyai sebarang soalan tentang cara menggunakan ChatBot ParentText



Meluangkan Masa Bersama Seorang Dengan Seorang bersama Anak Saya

Gambaran Keseluruhan

Memperkenalkan kepada ibu bapa matlamat utama pembelajaran teras secara ringkas. Anda boleh berkata sesuatu seperti:

"Matlamat utama ParentText hari ini adalah untuk kita mempelajari cara kita boleh membina hubungan positif dengan anak kita melalui Masa Bersama Seorang Dengan Seorang. Mari kita lihat kisah ini..."

Kemudian teruskan ke komik.

Komik ParentText (10 min)

Gambaran Keseluruhan

Ini adalah komik yang sama yang diterima oleh ibu bapa semasa aktiviti ParentText. Ia memperkenalkan prinsip asas dan cara ibu bapa sepatutnya meluangkan Masa Bersama Seorang Dengan Seorang bersama anak mereka. Ia tentang seorang ibu yang bernama Farah, sedang meluangkan Masa Seorang Dengan Seorang bersama anak perempuannya, Mira.

Kisah ini menunjukkan prinsip teras Membenarkan Anak Memimpin, atau Permainan Dipimpin Anak, yang penting untuk Masa Bersama Seorang Dengan Seorang.



Arahan (Slaid 10)



Farah: Ibu ada 5 minit untuk meluangkan masa bersama seorang dengan seorang bersama kamu, Mira. Apakah yang kamu mahu lakukan?

Mira: Saya mahu bermain berdandan!



Mira: Ibu, ini untuk ibu.

Farah: Terima kasih, Ibu sukakannya!

Mira: Pakailah Ibu!



Farah: Itu idea yang bagus, Mira! Ibu nampak kamu keluarkan selendang kuning berjalur biru itu.



Farah: Kamu sudah besar, Mira dah pandai pakai baju sendiri!

Perbualan Berpandu untuk komik Masa Bersama Seorang Dengan Seorang:

Daripada komik, bantu ibu bapa mengenal pasti kemahiran berikut yang harus mereka gunakan semasa Masa Bersama Seorang Dengan Seorang:

- Duduk atau melutut separas dengan anak anda

- Pandang anak anda dan perhatikan apa yang dia sedang lakukan
- Gunakan nama anak anda semasa anda bercakap dengan mereka
- Terima apa yang ingin dilakukan oleh anak anda selagi aktiviti itu selamat
- Ikut arahan anak anda semasa dia memimpin aktiviti Masa Bersama Seorang Dengan Seorang
- Gunakan kata-kata untuk menerangkan apa yang sedang dilakukan oleh anak anda

Blok 1 memperkenalkan ibu bapa kepada cara memperkenalkan Masa Bersama Seorang Dengan Seorang kepada anak. Bimbing ibu bapa menggunakan soalan untuk memerhatikan cara ibu memperkenalkan kepada Mira tentang Masa Bersama Seorang Dengan Seorang dengan berkata kepadanya, "Saya boleh luangkan masa selama 5 minit untuk Masa Bersama Seorang Dengan Seorang bersama kamu, apakah yang kamu mahu lakukan?"

Tanya kepada ibu bapa:

- Bagaimanakah cara ibu memperkenalkan Masa Bersama Seorang Dengan Seorang kepada Mira? Apakah yang dikatakan oleh Ibu kepada Mira? Berapa lamakah masa untuk sesi Masa Seorang Dengan Seorang?

(Jawapan yang mungkin diberikan oleh ibu bapa: Dia menyebut nama Mira. Dia duduk sama paras dengan Mira. Dia memandang Mira. Dia bertanya apa yang Mira mahu lakukan. Dia benarkan Mira untuk memilih aktiviti.)
- Bagaimanakah Mira tahu tempoh untuk Masa Bersama Seorang Dengan Seorang? Mengapakah ibunya perlu memberitahu Mira tempoh untuk Masa Bersama Seorang Dengan Seorang?

(Jawapan yang mungkin diberikan oleh ibu bapa: Ibu memberitahu dia mempunyai masa selama 5 minit untuk diluangkan bersama Mira. Ibunya mungkin ada perkara lain untuk diuruskan).

Blok 2 hingga Blok 3 juga menunjukkan bagaimana ibu membenarkan Mira memimpin. Tanya kepada ibu bapa:

- Apakah yang ibu lakukan secara fizikal untuk menunjukkan bahawa dia memberi perhatian kepada Mira?

(Jawapan yang mungkin diberikan oleh ibu bapa: Dia memandang Mira. Dia menyebut namanya).

- Bagaimanakah ibu membenarkan Mira menjadi pemimpin dalam aktiviti tersebut?

(Jawapan yang mungkin diberikan oleh ibu bapa: Dia membenarkan Mira untuk memilih aktiviti. Dia menerima cadangan Mira. Dia memerhatikan perbuatan Mira. Dia duduk dan membenarkan Mira untuk mengarahkan aktiviti ketika Masa Bersama Seorang Dengan Seorang).

Blok 3 juga menunjukkan cara ibu bapa boleh menggunakan perkataan untuk menjelaskan perkara yang dilakukan oleh anak-anak mereka. Tanya kepada ibu bapa:

- Apa kata ibu apabila Mira memakai pakaiannya sendiri?

(Jawapan yang mungkin diterima daripada ibu bapa: Dia menggunakan kata-kata untuk menerangkan apa perlakuan Mira yang dilihatnya.)

Blok 4 (dan semua blok lain) menunjukkan cara bagaimana anak-anak mungkin bertindak balas untuk menghabiskan Masa Bersama Seorang Dengan Seorang bersama ibu bapa mereka. Tanya kepada ibu bapa:

- Apakah perasaan Mira semasa meluangkan Masa Bersama Seorang Dengan Seorang bersama ibunya?

(Jawapan yang mungkin diberikan oleh ibu bapa: Mira gembira. Dia rasa disayangi. Dia rasa dirinya penting. Dia rasa dihargai. Dia rasa yakin. Mira rasa dirinya rapat dengan ibunya).



Nota

Pastikan anda gunakan soalan terbuka bagi membantu ibu bapa untuk menjawab soalan ini sendiri. Tugas anda adalah untuk bertanya soalan. Ibu bapa perlu memikirkan jawapannya sendiri!

Perbincangan: Masa Seorang Dengan Seorang bersama Anak Anda (5 min)



Arahan ([Slaid 11](#))

Pimpin peserta dalam perbincangan kumpulan tentang manfaat meluangkan Masa Bersama Seorang Dengan Seorang bersama anak mereka. Soalan yang berguna termasuk:

- Mengapa anda inginkan hubungan positif dengan anak anda?
- Bagaimana meluangkan Masa Bersama Seorang Dengan Seorang dapat membantu anda untuk menjalin hubungan positif dengan anak anda?
- Apakah manfaat untuk anak anda apabila mereka meluangkan Masa Bersama Seorang Dengan Seorang dengan anda? Apakah yang akan dipelajari oleh mereka?

Tuliskan idea ibu bapa, dan puji mereka kerana berkongsi idea.

Berikut adalah manfaat meluangkan Masa Bersama Seorang Dengan Seorang bersama anak anda:

- Anak-anak akan rasa diri mereka dihargai dan disayangi.
- Anda menunjukkan kepada anak anda bahawa apa yang mereka lakukan adalah penting.
- Membantu anak-anak rasa selamat dan terjamin.
- Membina kemahiran berbahasa dan memerhati.

- Membina kemahiran belajar dan menyelesaikan masalah.
- Meningkatkan kepercayaan dan menambah baik komunikasi anda dengan anak anda.
- Membantu anak-anak berkembang dan meneroka dunia.
- Menunjukkan kepada anak anda bahawa anda sentiasa ada bersama dan memberi tumpuan tentang perihal mereka.
- Anak-anak berasa lebih ikhlas untuk membantu membuat kerja rumah bersama-sama.
- Ibu bapa/penjaga merasakan bahawa susah payah mereka di rumah lebih berbaloi.
- Anak anda cenderung untuk memimpin apabila anda mendengar dan menghargai idea-idea anak anda seterusnya menggalakkan mereka untuk berfikir sendiri.
- Memberikan anda peluang untuk mengetahui minat dan kebolehan anak anda.



Nota

Senarai di atas hanyalah cadangan. Tidak mengapa jika anda tidak dapat mengenal pasti kesemuanya. Sebab lain juga mungkin diberikan oleh ibu bapa tentang betapa pentingnya meluangkan Masa Bersama Seorang Dengan Seorang bersama anak-anak dapat membantu memperbaiki tingkah laku dan perkembangan anak-anak ini. Bagus sekali!!

Perbincangan Berpasangan: Aktiviti untuk Dilakukan Bersama Anak Anda (10 min)

Gambaran Keseluruhan

Perbincangan kumpulan ini akan membantu ibu bapa untuk mengenal pasti aktiviti yang boleh mereka lakukan bersama anak-anak mereka sewaktu Masa Bersama Seorang Dengan Seorang.

Ibu bapa juga menghadapi cabaran untuk mengetahui perkara yang perlu dilakukan dengan anak-anak mereka – terutamanya jika tidak banyak masa untuk diluangkan bersama anak-anak mereka atau mereka tidak mempunyai hubungan yang baik dengan anak-anak mereka.

Arahan ([Slaid 12](#))

Minta ibu bapa memikirkan aktiviti yang boleh mereka lakukan bersama anak mereka. Ini mungkin perkara yang mereka tahu anak mereka suka lakukan.

Benarkan ibu bapa berkongsi secara berpasangan terlebih dahulu. Setiap pasangan harus menyenaraikan sekurang-kurangnya 3 aktiviti berbeza yang boleh mereka lakukan bersama anak-anak mereka.

Benarkan ibu bapa bercakap dengan pasangan selama kira-kira satu atau dua minit. Kemudian barulah dikongsikan dalam kumpulan besar.

Tulis semua cadangan pada carta selak!

Aktiviti yang boleh dilakukan termasuklah:

- Bermain dengan bola atau anak patung jika ada
- Menggayakan pakaian yang menyeronokkan atau memakai pakaian orang dewasa
- Bermain sorok-sorok – di luar rumah
- Main membeli-belah di dalam rumah
- Susun suai gambar

- Menyanyi bersama-sama
- Bercerita
- Menggalakkan anak untuk bercerita
- Menguruskan pakaian bersama-sama



Nota

Aktiviti haruslah berbeza mengikut umur anak dan juga mengikut kumpulan etnik dan agama yang berlainan. Pastikan cadangan anda bersesuaian untuk ibu bapa anda!

Berlatih Kemahiran (15 min)



Gambaran Keseluruhan

HARI, MAIN dan KEKAL

Berikut adalah latihan kumpulan pertama di mana ibu bapa diminta untuk berlatih melakukan Aktiviti Di Rumah.

Latihan Kumpulan membolehkan ibu bapa untuk mencuba Aktiviti di Rumah dalam persekitaran kumpulan yang selamat. Ibu bapa/penjaga juga mempunyai peluang untuk mengambil peranan sebagai "ibu bapa" dan "anak"

Ibu bapa dapat melihat dunia melalui kaca mata anak mereka semasa mereka memegang peranan sebagai anak.



Sorotan Keupayaan

Jika mana-mana ibu bapa mempunyai anak kurang upaya, pastikan latihan kumpulan melibatkan kanak-kanak kurang upaya.



Arahan ([Slaid 13](#))

Format untuk memimpin latihan kumpulan:

1. Pengenalan

- Perkenalkan kepada ibu bapa bahawa kini mereka akan berlatih untuk membenarkan anak-anak mereka memimpin dan mengatakan perkara yang mereka lihat semasa Masa Bersama Seorang Dengan Seorang.
- Jelaskan bahawa berlatih sekarang akan memudahkan aktiviti tersebut dilakukan di rumah, terutamanya kerana Membiarkan Anak Anda Memimpin dan Sebutkan Apa Yang Anda Nampak adalah kemahiran baharu.
- Jelaskan bahawa setiap orang akan mendapat peluang untuk berlatih kemahiran baharu sebelum menggunakannya di rumah.

2. Latihan Kumpulan

- Pilih seorang peserta untuk menjadi "Ibu bapa" dan seorang lagi untuk menjadi "Anak".
- Tentukan umur Anak tersebut. Minta Anak untuk berkelakuan baik semasa lakonan.
- Ibu bapa hendaklah memperkenalkan Masa Bersama Seorang Dengan Seorang kepada anaknya dengan menyebut perkataan berikut:

“Saya boleh meluangkan Masa Bersama Seorang Dengan Seorang bersama kamu selama 5 minit. Apa yang kamu ingin lakukan?”

- Anak memberikan cadangan mudah: "Mari kita bermain dengan mainan saya."

- Ibu bapa berlatih menggunakan kata-kata untuk menerangkan perkara yang dilakukan oleh Anak semasa mengikut arahan Anak.
- Berdiri rapat dengan Ibu Bapa untuk memberi sokongan jika perlu. Anda mungkin perlu membisikkan perkataan yang boleh digunakan oleh Ibu Bapa untuk menerangkan apa yang dilakukan oleh anak itu.
- Ibu Bapa mungkin memerlukan sokongan tambahan semasa membenarkan anak-anak menjadi pemimpin dalam aktiviti tersebut. Jadilah penjaga yang bertanggungjawab!
- Biarkan latihan berlaku selama kira-kira 1 minit.
- Tanya apa perasaan ibu bapa yang telah berlatih semasa mereka melakonkan watak sebagai seorang Anak dan sebagai Ibu Bapa.
- Puji Ibu Bapa/Anak dengan penuh semangat kerana menjadi orang pertama yang melakukan Latihan!

3. Berlatih Secara Berpasangan

- Bahagikan ibu bapa kepada beberapa pasangan dan minta mereka berlatih membiarkan anak memimpin sewaktu Masa Bersama Seorang Dengan Seorang.
- Setiap orang harus berlatih untuk melakonkan kedua-dua peranan ibu bapa dan anak. Ingatkan anak-anak untuk berkelakuan baik!
- Kedua-dua fasilitator harus membantu semua ibu bapa dengan bergerak dari satu pasangan ke pasangan yang lain.
- Beritahu ibu bapa untuk bertukar peranan selepas satu minit. Panggil semua ahli kumpulan untuk berkumpul semula bagi sesi perbincangan.
- Minta maklum balas daripada setiap pasangan tentang hasil latihan tadi dalam perbincangan berkumpul.

Tip & Aktiviti Di Rumah (5 min)

Arahan [\(Slaid 14\)](#)

Semak semula petua berikut untuk Masa Bersama Seorang Dengan Seorang anak anda bersama ibu bapa:

1. **HARI:** Peruntukkan masa tertentu untuk meluangkan Masa Bersama Seorang Dengan Seorang bersama anak anda setiap hari.

Masa yang dipilih haruslah masa di mana anda tidak akan diganggu dan apabila anak anda tidak ada perkara lain untuk dilakukan, seperti menonton TV atau bermain telefon. ***Matikan televisyen dan ketepikan telefon.***

Beritahu anak anda bahawa anda ingin melihat mereka bermain dan mereka boleh pilih apa yang mereka ingin lakukan. Mungkin anak anda akan berasa pelik pada awalnya, tetapi lama-kelamaan dia akan menikmati masa yang diluangkan secara eksklusif bersama anda!

2. **MAIN:** Cuba lakukan sesuatu yang berbeza daripada menonton TV atau bermain dengan tablet/telefon.

Anak anda akan mendapat manfaat yang lebih berguna dan menyeronokkan berbanding hanya duduk bersama di hadapan televisyen atau bermain telefon pintar. Kadangkala, menonton program TV kegemaran anak anda bersamanya mungkin sudah mencukupi. Dia mungkin mengambil sedikit masa untuk berasa selesa melakukan aktiviti lain.

3. **KEKAL:**

Berikan semua perhatian anda terhadap anak anda.

Pastikan anda tidak akan diganggu oleh tanggungjawab atau anak-anak lain, jadi anda boleh menumpukan sepenuh perhatian anda kepada anak anda.

Beri arahan atau petunjuk seminimum mungkin.

Semasa anda meluangkan Masa Bersama Seorang Dengan Seorang bersama anak anda, aktiviti harus dipimpin oleh anak anda.

Dengar apa yang dikatakan oleh anak anda dan **perhatikan** mereka.

Mendengar anak anda adalah lebih penting berbanding bercakap dengan mereka ketika ini. Jika anak anda bertanya soalan, anda boleh jawab, tetapi jangan pula anda memberitahu mereka apa yang perlu dilakukan. Berikan pilihan itu kepada anak anda: "Itu soalan yang menarik, apa pendapat kamu?"

Renung semula apa yang dikatakan oleh anak anda kepada anda.

Ulang semula apa yang dikatakan oleh anak anda semasa mereka bercakap dengan anda. Anda boleh gunakan perkataan berbeza bagi menunjukkan bahawa anda betul-betul mendengar apa yang anak anda katakan. Contohnya, Anak, "Soalan matematik ini sangat susah." Ibu bapa, "Ya, saya tahu kamu rasa soalan ini susah."

Hanya berikan komen positif dan bukannya komen mengkritik.

Ingat, ini adalah aktiviti anak anda. Bolehkah anda imbas kembali bagaimana perasaan anda apabila seseorang mengkritik anda baru-baru ini? Tiada betul atau salah sewaktu Masa Bersama Seorang Dengan Seorang. Tugas anda adalah untuk mempamerkan minat anda dan berkata sesuatu yang baik.

Aktiviti di Rumah [\(Slaid 15\)](#)

Aktiviti di Rumah untuk modul ini adalah untuk meluangkan masa selama kira-kira 5 hingga 15 minit untuk Masa Bersama Seorang Dengan Seorang bersama dengan anak anda setiap hari. Pastikan setiap ibu bapa mengenal pasti matlamat khusus bagi diri mereka sendiri untuk Masa Bersama Seorang Dengan Seorang.

Pastikan mereka pulang ke rumah dengan mengetahui perkara yang berikut:

- Di mana mereka akan meluangkan Masa Bersama Seorang Dengan Seorang bersama anak mereka?
- Bila mereka akan meluangkan Masa Bersama Seorang Dengan Seorang bersama anak mereka?
- Apakah jenis aktiviti yang mereka boleh lakukan ketika Masa Bersama Seorang Dengan Seorang bersama anak mereka?

Tuliskan setiap satu Aktiviti di Rumah ibu bapa di atas sekeping kertas yang besar.



Refleksi



Gambaran Keseluruhan

Renungkan bersama ibu bapa mana-mana bahagian khusus Program Naungan Kasih yang memerlukan sokongan.

Galakkan ibu bapa untuk bertanya soalan terbuka seperti, "Adakah anda ingin mengetahui apa-apa perkara khusus tentang Chatbot ParentText dengan lebih lanjut?"

Untuk menjawab soalan ibu bapa, berikan maklumat yang jelas dan tepat. Berikan panduan langkah demi langkah jika perlu.



Arahan [\(Slaid 16\)](#)

Tanya ibu bapa jika mereka ada soalan tentang:

- Menggunakan ChatBot ParentText
- Meluangkan Masa Bersama Seorang Dengan Seorang dengan anak mereka
- Aktiviti Di Rumah

Mengenal pasti Matlamat Seterusnya dalam ParentText



Arahan [\(Slaid 17\)](#)

- Terangkan kepada ibu bapa bahawa mereka telah memilih matlamat pertama mereka, Memperbaiki Hubungan Saya dengan Anak Saya, dan menyelesaikan kemahiran pertama, Meluangkan Masa Seorang Dengan Seorang bersama Anak Saya.
- Pada hari-hari yang akan datang, ParentText akan membimbing mereka melalui baki kemahiran dalam matlamat ini. Setelah semua 5 kemahiran dicapai, ParentText kemudiannya akan menggesa mereka untuk memilih matlamat keibubapaan mereka yang seterusnya.

- Minta ibu bapa berfikir tentang matlamat mana yang mereka ingin amalkan seterusnya dalam Naungan Kasih
- Yakinkan peserta bahawa mungkin mengambil sedikit masa untuk mereka merealisasikan matlamat mereka. Galakkan mereka untuk terus berinteraksi dengan Chatbot ParentText, dan melakukan aktiviti di rumah!

Aktiviti Selamat Tinggal

Gambaran Keseluruhan

Tutup dengan aktiviti selamat tinggal. Benarkan peserta memutuskan cara mereka ingin menamatkan sesi. Ini mungkin doa atau tepukan kumpulan.

Arahan

Ingatkan peserta untuk:

- Selesaikan aktiviti rumah mereka.
- Cari modul ParentText seterusnya.

Berterima kasih kepada peserta atas komitmen yang telah mereka berikan antara satu sama lain dengan hadir ke kumpulan!

Lampiran

Pemberi tenaga

Beri saya...

Nota: Nombor = tepuk tangan

Beri saya 1 = Tepuk

Beri saya 2 = Tepuk Tepuk

Beri saya 4 = Tepuk, tepuk tepuk, tepuk (mulakan semula dengan 1)

Lakukan gerakan goyang (menari)

Keluarkan tangan anda, letakkan tangan anda ke dalam, keluar, ke dalam dan lakukan goyang-goyang

Letakkan kaki kanan anda keluar, masukkan kaki kanan anda ke dalam, masuk, keluar dan lakukan goyang-goyang

Letakkan kaki kiri anda keluar, masukkan kaki kiri anda ke dalam, masuk, keluar dan lakukan goyang-goyang

(Teruskan dengan mana-mana bahagian badan pilihan lain.)

Gerakan Shake It Off:

Goncang tangan kanan, goncang tangan kiri, kanan, kiri dan goncang

Goncang kaki kanan, goyang kaki kiri, kanan, kiri dan goyangkannya

Goyang kepala, goyang pinggul, kepala, pinggul dan goyangkan semua

Teruskan dengan mana-mana bahagian badan lain yang anda suka.

Pergerakan Tarian Bernombor:

Tetapkan gerakan tarian yang berbeza dengan nombor (cth., 1 = berpusing, 2 = lompat, 3 = berputar).

Sebutkan nombor, dan peserta melakukan gerakan tarian yang sepadan.